



«Bag`doddonmahsulotlari» aksiyadorlik jamiyati
акциядорларининг
2019 йил 22 мартдаги умумий
йиғилиши баённомаси билан

"ТАСДИҚЛАНГАН"

М.Ў.



“Bag`doddonmahsulotlari” aksiyadorlik jamiyati USTAVI

I. Жамиятнинг тулик ва қискартма номи, жойлашган манзили, ҳуқуқий ҳолати.

1.1. Тулик номи: “Bag`doddonmahsulotlari” aksiyadorlik jamiyati;

қискартирилган номи - “Bag`doddonmahsulotlari” AJ.

Жойлашган манзили (почта манзилгоҳи): Ўзбекистон Республикаси, Фарғона вилояти, Бағдод тумани Отхона қишлоғи.

Жамият сайти- [www.bag`doddon.uz](http://www.bag`doddon.uz)., электрон почта манзили- bagdoddon@inbox.uz

1.2. Акциядорлик жамиятини тузиш, унинг фаолияти ва уни тугатиш, акциядорларнинг ҳуқуқларини химоя қилиш билан боғлиқ муносабатлар Ўзбекистон Республикасининг “Акциядорлик жамиятлари ва акциядорларнинг ҳуқуқларини химоя қилиш тўғрисида”ги қонуни, Ўзбекистон Республикасининг бошқа қонунлари ва мазкур Устав билан тартибга солинади.

1.3 Жамият юридик шахс бўлиб, у ўз мустақил балансида ҳисобга олинадиган алоҳида мол-мулкка, шу жумладан узининг устав фондида (устав капиталига) берилган мол-мулкка эга бўлади, ўз номидан мулкӣ ва шахсий номулкӣ ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин. Жамият давлат рўйхатидан ўтказилган пайтдан эътиборан юридик шахс мақомига эга бўлади. Жамият, чекланмаган муддатга тузилади.

1.4 Жамият Ўзбекистон Республикаси ҳудудида ва ундан ташқарида банк ҳисоб-варақлари очишга ҳақлидир. Жамият ўзининг ташкилий-ҳуқуқӣ шакли кўрсатилган тулик фирма номига эга бўлади ва қискартирилган фирма номига эга бўлиши мумкин. Жамият ўзининг фирма номи давлат тилида тулик ёзилган ҳамда жойлашган ери кўрсатилган юмалок муҳрга эга бўлиши лозим. Муҳрда бир вақтнинг ўзида фирманинг номи бошқа исталган тилда ҳам кўрсатилиши мумкин. Жамият ўзининг номи ёзилган штамп ва бланкаларга, ўз тимсолига, шунингдек белгиланган тартибда рўйхатдан ўтказилган товар белгисига ҳамда фуқаролик муомаласи иштирокчиларининг, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.

1.5 Жамиятнинг жойлашган ери, у давлат рўйхатидан ўтказилган жойга кура белгиланади. Жамият у билан алоқа амалга ошириладиган почта манзилига ва электрон почта манзилига эга бўлиши лозим.

1.6. “Bag`doddonmahsulotlari” AJ, бундан буён “Жамият”, Ўзбекистон Республикаси Президентининг 22 апрел 1994 йилдаги “Ўздонмахсулот” Давлат Концернини “Ўздонмахсулот” Давлат Акциядорлик Корпорациясига қайта тузиш тўғрисида”ги ПФ-840-сонли Фармони ва Ўзбекистон Республикаси Давлат мулкни бошқариш ва тадбиркорликни қўллаб қувватлаш қўмитасининг 1994 йил 26 декабрдаги 777-к-ПО-сонли буйруғига асосан давлат мулкнинг қайта тузилиши натижасида ташкил қилинган.

1.7 Жамият ўз мажбуриятлари юзасидан ўзига тегишли барча мол-мулк билан жавобгар бўлади.

II. Фаолиятининг соҳаси (асосий йуналишлари) ва мақсади

2.1. Акциядорлик жамиятини тузиш, унинг фаолияти ва уни тугатиш, акциядорларнинг ҳуқуқларини химоя қилиш билан боғлиқ муносабатлар Ўзбекистон Республикасининг “Акциядорлик жамиятлари ва акциядорларнинг ҳуқуқларини химоя қилиш тўғрисида”ги қонуни, Ўзбекистон Республикасининг бошқа қонунлари ва мазкур Устав билан тартибга солинади

2.2. Жамиятнинг асосий мақсади жамиятнинг умумхўжалик фаолиятидан фойда олиш ҳисобланади.

Жамият асосий мақсадига эришиш учун фаолият ва хизмат кўрсатишнинг қуйидаги турларини амалга оширади:

- Ун махсулотлари, халқ истеъмол молларини ишлаб чиқариш ва сотиш, турли корхона ташкилот ва фуқароларга турли хизматлар кўрсатиш;
- Қишлоқ хўжалиги корхоналари ва шахсий томорқа хўжаликларида етиштирилган экин

маҳсулотларни қабул қилиш, сақлаш ва қайта ишлаш;

- Ғалла экинлар донини тайёрлаш ва экиш учун қишлоқ хўжалиги корхоналари ва шахсий томорқа хўжаликларига етказиб бериш;
- Ун ва ун маҳсулотларини ишлаб чиқариш ва корхона, ташкилот ва аҳолига етказиш;
- Омукта ем ишлаб чиқариш;
- Қишлоқ хўжалик маҳсулотларини ишлаб чиқариш, харид қилиш, қайта ишлаш, сақлаш, қадоклаш ва сотиш;
- Чорвачилик ва паррандачилик фаолияти, чорва ва парранда ўстириш ва сотиш;
- Халқ хўжалиги ва аҳолини дон, ун, ерма, омукта ем, нон-булка, макарон ва кандитор маҳсулотлари ишлаб чиқариш ва таъминлаш;
- Корхонанинг ишлаб чиқариш технологиясини жадаллаштириш, кенгайтириш, реконструкция қилиш ва техник қайта курулантириш бўйича ишларни ташкил қилиш;
- Дон, навли ва дуккакли дон уруғларини, бошқа қишлоқ хўжалик маҳсулотларини харид қилишни, уларни давлат эҳтиёжлари ва бошқа истеъмолчиларнинг буюртмалари учун етказиб беришни таъминлаш;
- Узок муддатли ва қисқа муддатли маркетинг дастурини ишлаб чиқиш, буюртмалар «папкасини» шакллантириш ва уларни жойлаштириш, маҳсулотларни реклама қилиш;
- Ишлаб чиқаришни барча чоралар билан интенсивлаштириш ва моддий ресурслардан тежамкорлик билан фойдаланиш, ишлаб чиқарилаётган маҳсулотларнинг сифатини ошириш чора-тадбирларини ишлаб чиқиш;
- Корхона ходимлари учун хавфсиз ва нормал меҳнат шароитини яратиш, меҳнат, ижтимоий-маданий имтиёзлар бериш;
- Ишлаб чиқариш фаолиятини амалга ошириш, кичик ва кўшма корхоналар тармоқларини, тижорат марказларини, майда улгуржи воситачи ва чакана савдо дўконлари, савдо уйлари, улгуржи ярмаркалар очиш, улгуржи ва чакана савдо билан шуғулланиш;
- Ишлаб чиқарувчилар билан тўғридан-тўғри ўзаро фойдали хўжалик алоқаларини ўрнатиш ва ривожлантиришга доир ишлаб чиқариш ҳамда тижорат воситачилик хизматларини амалга ошириш, ишлаб чиқарувчилардан, уларнинг қайси идорага бўйсиниши ва мулкчилик шаклларида қатъий назар, моддий ресурслардан ва товарларни эркин сотиб олишни ҳамда уларни харидорларга сотишни ташкил этиш;
- Хом-ашё, тайёр маҳсулотлар ва товарларни ишлаб чиқарувчи корхоналар, савдо воситачилари, шунингдек хорижий фирмалар билан контракт ва тўғридан тўғри шартномалар тузиш йўли билан товар ресурсларидан харид қилиш;
- Амалдаги қонунчиликка асосланган ҳолда экспорт-импорт операцияларини амалга ошириш;
- Аҳолига ҳамда халқ хўжалигининг қурилиш, саноат, қишлоқ хўжалиги ва бошқа соҳалардаги корхоналарга, фирмаларга, юридик ва жисмоний шахсларга транспорт хизмати курсатиш (маиший-коммунал, ижара, автотаъмирлаш, транспорт, жумладан халқаро юк ташиш, туристик хизматлар);
- Қурилиш-монтаж, конструкторлик-лойиха, тузатиш ва ишга тушириш ишларини амалга ошириш;
- Ўз ишлаб чиқарган маҳсулотларини ва вилоят ҳудудидан ташқари харид қилинган маҳсулотларни миллий валюта-сўмга ва эркин айирбошланадиган валютага сотиш учун турли савдо дўконлари ва умумий овқатланиш корхоналарини очиш;
- Автомобил транспорти орқали юк ва йўловчиларни ташиш;
- Жамият ходимлари ва уларнинг оилаларини соғломлаштириш учун дам олиш масканларини ташкил этиш;
- Юридик ва жисмоний шахсларга пуллик хизмат кўрсатиш;
- Ташқи иқтисодий алоқалар билан шуғулланиш;
- Перспектив техник ва ижтимоий кашфиётлар, ёш олимлар, кашфиётчилар ва рационализаторлик таклифларини тадбиқ этиш ёрдамида ишлаб чиқарилаётган

маҳсулот таннархини пасайтириш чораларини кўриш;

- Дўконларни, филиалларни ва бўлимларни ташкил этиш;
- Узининг шуъба ва тобе корхоналарини ташкил этиш, бошқа хўжалик жамиятларини таъсис этиш;
- Қимматбаҳо қоғозлар (акциялар, фьючерс, опцион, депозит сертификатлар, облигациялар) чиқариш ва сотиш ҳамда бошқа эмитентларнинг қимматли қоғозларини сотиб олиш ва сотиш;
- Жамият томонидан ишлаб чиқарилаётган маҳсулотларни ва бажариладиган хизматларни оммавий матбуот, радио ҳамда телевидение ёрдамида реклама қилиб бориш;
- Ўзбекистон Республикаси ташқи иқтисодий алоқалар агентлиги ва бошқа махсус рухсатнома (квота) берадиган давлат ташкилотлари қондаларига амал қилган ҳолда: чет эл, МДХ ва республика ҳудудидаги корхона, ташкилот ва фирмалар билан ўзаро иқтисодий ҳамкорлик қилиш, воситачилик фаолиятини юритиш;
- Инвесторларнинг молиявий маблағларини шахсий қимматли қоғозлар тарзида жойлаштиришга жалб этиш (акциялар, облигациялар, векселлар ва Ўзбекистон Республикаси қонунлари билан таъқиқланмаган бошқа қимматли қоғозлар);
- Сугурта фаолияти ва нафақа билан таъминлашни амалга ошириш;
- Ҳар қандай хўжалик фаолиятида ва ишлаб чиқаришда Ўзбекистон Республикаси қонунларига мувофиқ воситачилик хизматларини кўрсатиш;
- Ўзбекистон Республикаси амалдаги қонунчилиги билан белгиланган тартибда ташқи иқтисодий фаолиятни амалга ошириш.

2.3. Шугулланиш учун махсус рухсатномалар (лицензия) талаб этиладиган фаолият турлари Жамият томонидан факат керакли хужжатларни олгандан сунггина амалга оширилади.

Ш. Устав фондининг (устав капиталининг) миқдори, жамият акцияларининг сони, номинал қиймати. Жамиятнинг устав капиталини купайтириш ва камайтириш

3.1 Жамиятнинг устав фонди (устав капитали) акциядорлар олган жамият акцияларининг номинал қийматидан ташкил топади ва Ўзбекистон Республикасининг миллий валютасида ифодаланади.

3.2 Жамиятнинг устав фонди (устав капитали) жамият мол-мулкининг жамият кредиторлари манфаатларини кафолатлайдиган энг кам миқдорини белгилайди.

3.3 Мазкур уставни рўйхатдан ўтказиш пайтига жамият томонидан умумий қиймати 1 275 598 000 сумга тенг бўлган 1 274 117 дона оддий акция ва 1 481 дона имтиёзли акциялар чиқарилган ва жойлаштирилган булиб, акция номинал қиймати 1 000 сўм.

3.4 Жамиятнинг устав капитали. акциялар номинал қийматини ошириш ёки қўшимча акцияларни жойлаштириш йули билан купайтирилиши мумкин. Қўшимча акциялар жамият томонидан ушбу уставда белгиланган эълон қилинган акциялар сони доирасидагина жойлаштирилади.

3.5. Жамият устав капиталини ошириш мақсадида жойлаштирилган акцияларига қўшимча равишда чиқариши мумкин бўлган эълон қилинган акциялари миқдори - номинал қиймати 1 000 сум бўлган 1 000 000 дона оддий акциялардан иборат.

3.6. Қўшимча акцияларни жойлаштириш йули билан купайтириш тўғрисидаги қарорда жойлаштириладиган қўшимча акцияларнинг умумий қиймати, сони, тури, номинал қиймати, жойлаштириш тартиби, усули, муддати, жойлаштириш (акцияларнинг биржа ва уюшган биржадан ташқари бозорига чиқариш) нархи, акциялар учун тулов тартиби, амалга ошмаган деб топиш, улуши ва амалга ошмаган деб топилган тақдирда акциялар учун қабул қилинган тулов воситаларини қайтариш тартиби белгиланади.

3.7. Қўшимча чиқарилаётган акциялар очик обуна усули билан белгиланган тартибда фуқролик-хуқуқий битимлар тузиш йули билан биржа ёки биржадан ташқари уюшган бозорда

3.8. Акцияларни жойлаштириш, шу жумладан акциядорлар ўртасида жойлаштириш тўғрисида қарор қабул қилишда акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархи жамият акциядорларининг умумий йиғилиши ёки кузатув кенгаши томонидан, агар жамият уставига ёки акциядорларнинг умумий йиғилиши қарорига мувофик кузатув кенгашига бундай ваколат берилган бўлса, қимматли қоғозлар савдоси ташкилотчиларининг савдо майдончаларида вужудга келаётган нархлар конъюнктурасидан келиб чиққан ҳолда белгиланади, лекин номинал қийматидан кам бўлмаган қийматда жойлаштирилади.

Жамиятнинг қўшимча акциялари ва бошқа қимматли қоғозларини жойлаштириш чоғида уларга ҳақ тўлаш уларни чиқариш тўғрисидаги қарорда белгиланганидан кам бўлмаган нарх бўйича амалга оширилади.

3.9. Жамиятнинг акциялари ва бошқа қимматли қоғозларини жойлаштириш чоғида уларга ҳақ тўлаш пул ва бошқа тулов воситалари, мол-мулк, шунингдек пулда ифодаланадиган баҳога эга бўлган ҳуқуқлар (шу жумладан мулкӣ ҳуқуқлар) орқали амалга оширилади. Жамиятни таъсис этиш чоғида унинг акцияларига ҳақ тўлаш тартиби жамиятни ташкил этиш тўғрисидаги таъсис шартномасида (ўзгартиш тўғрисидаги қарорда) ёки жамият уставида, қўшимча акциялар ва бошқа қимматли қоғозларга ҳақ тўлаш эса, уларни чиқариш тўғрисидаги қарорда белгилаб қўйилади.

3.10. Жамиятнинг устав капитали акцияларнинг номинал қийматини камайтириш ёки акцияларнинг умумий сонини қисқартириш йули билан камайтирилиши мумкин.

3.11. Агар устав капиталини камайтириш натижасида унинг миқдори қонун ҳужжатларида белгиланган энг кам миқдоридан камайиб кетса, Жамият устав капиталини камайтиришга ҳақли эмас.

3.12. Устав капиталини камайтириш тўғрисида қарор қабул қилган вақтда акциядорларнинг умумий йиғилиши устав капитални камайтириш сабабларини курсатади ва уни камайтириш тартибини белгилайди.

IV. Жамият акцияларининг турлари ва улар бўйича дивидендлар тўлаш тартиби.

4.1. Жамиятнинг акциялари оддий ва имтиёзли бўлиб, эмиссиявий қимматли қоғозлар ҳисобланади.

4.2. Жамият имтиёзли акциялари уз эгаларига ҳар йили акциялар номинал қийматининг 25 фоизи миқдорида дивиденд олиш ҳуқуқини беради.

4.3. Имтиёзли акциялар эгалари жамият тугатилган тақдирда унинг мулклари тақсимланаётган пайтда оддий акция эгалари ўртасида мулк тақсимоти амалга оширилгунга қадар уз акцияларининг номинал қийматини оладилар.

4.4. Жамият узи жойлаштирган имтиёзли акцияларни олиш нархи уларнинг бозор қийматига мувофик белгиланади.

4.5. Дивиденд акциядорларнинг умумий йиғилиши қарорига қура пул маблағлари ёки бошқа қонуний тулов воситалари ёхуд жамиятнинг қимматли қоғозлари билан тўланиши мумкин.

4.6. Жамиятнинг имтиёзли акциялари бузина дивидендларни қимматли қоғозлар билан тўлашга йул қўйилмайди.

4.7. Дивиденд акциядорлар ўртасида уларга тегишли акцияларнинг сони ва турига мутаносиб равишда тақсимланади.

4.8. Жамият молиявий йилнинг биринчи чорағи, ярим йиллиги, туккиз ойи натижаларига қура ва (ёки) молиявий йил натижаларига қура жойлаштирилган акциялар бўйича дивидендлар тўлаш тўғрисида қарор қабул қилишга ҳақли. Жамиятнинг молиявий йилнинг биринчи чорағи, ярим йиллиги ва туккиз ойи натижаларига қура дивидендлар тўлаш тўғрисидаги қарор тегишли давр тугагандан кейин уч ой ичида қабул қилиниши мумкин.

4.9. Акцияларнинг ҳар бир тури бўйича дивидендлар тўлаш, дивиденднинг миқдори, уни

тўлаш тартиби ва тартиби турисидаги қарор жамият кузатув кенгашининг тавсияси, молиявий ҳисоботнинг ишончлилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида акциядорларнинг умумий йиғилиши томонидан қабул қилинади.

4.10. Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар курсатилган бўлиши лозим. Дивидендларни тўлаш муддати ва тартиби акциядорларнинг умумий йиғилиши қарорида белгиланади. Дивидендларни тўлаш муддати шундай қарор қабул қилинган кундан эътиборан олтимиш кундан кеч булмаслиги лозим.

V. Жамиятнинг захира фонди

5.1. Жамият соф фойда ҳисобидан захира фондини ҳамда акциядорларнинг умумий йиғилишида аниқланадиган, жамият фаолияти учун зарур бўлган бошқа фондларни ташкил этади.


5.2. Жамиятнинг захира фонди, бошқа маблағлар мавжуд булмаган тақдирда, жамиятнинг зарарлари ўрнини қоплаш, жамиятнинг корпоратив облигацияларини муомаладан чиқариш, имтиёзли акциялар бўйича дивидендлар тўлаш ва жамиятнинг акцияларини қайтариб сотиб олиш учун мулжалланади. Захира фондидан бошқа мақсадларда фойдаланиш мумкин эмас.

5.3. Жамият устав капиталининг 15 фоиз миқдорда жамият захира фонди тузилади.

5.4. Жамият захира фондига ушбу уставнинг 5.3-бандида белгиланган миқдорга етгунига қадар ҳдр йили соф фойдадан 5 фоиз миқдорида ажратмалар утказилади.

5.5. Захира фонди тўлалигича ёки қисман сарфланиб бўлган ҳолларида, мажбурий ажратмалардан тикланади.

VI. Жамият бошқарув тузилмаси



VI. Жамиятнинг бошқарув органлари.

7.1. Акциядорларнинг умумий йиғилиши, кузатув кенгаши ва ижроия органи жамиятнинг бошқарув органларидир.

7.2. Акциядорларнинг умумий йиғилиши жамиятнинг юқори бошқарув органидир.

7.3. Жамиятнинг кузатув кенгаши жамият фаолиятига умумий рахбарликни амалга оширади, ушбу Қонун ва жамият устави билан акциядорлар умумий йиғилишининг ваколат доирасига киритилган масалаларни ҳал этиш бундан мустасно.

7.4. Жамиятнинг ижроия органи жамиятнинг кундалик фаолиятига рахбарлик қилувчи, акциядорлар умумий йиғилиши ва кузатув кенгашининг қарорлари бажарилишини ташкил этувчи орган.

VII. Акциядорларнинг умумий йиғилиши

8.1. Жамият ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт.

8.2. Акциядорларнинг йиллик умумий йиғилиши молия йили тугаганидан кейин олти ойдан кечиктирмай ўтказилади. Акциядорларнинг йиллик умумий йиғилишида жамиятнинг кузатув кенгашини ва тафтиш комиссиясини (тафтишчисини) сайлаш тўғрисидаги, жамиятнинг йиллик ҳисоботи ва бошқа ҳужжатлари кўриб чиқилади.

8.3. Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилишлардир.

8.4. Акциядорларнинг умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати жамиятнинг кузатув кенгаши томонидан белгиланади.

8.5. Акциядорлар умумий йиғилишининг ваколат доирасига қуйидагилар қиради:
жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш;

жамиятни қайта ташкил этиш;

жамиятни тугатиш, тугатувчини (тугатиш комиссиясини) тайинлаш ҳамда оралик ва якуний тугатиш балансларини тасдиқлаш;

жамият кузатув кенгашининг ва миноритар акциядорлар кумитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

эълон қилинган акцияларнинг энг куп миқдорини белгилаш;

жамиятнинг устав фондини (устав капиталини) камайитириш;

уз акцияларини олиш;

жамиятнинг ташкилий тузилмасини тасдиқлаш;

жамият тафтишчисини сайлаш ва унинг ваколатини муддатидан илгари тугатиш, шунингдек тафтишчи тўғрисидаги низомни тасдиқлаш; жамиятнинг йиллик ҳисоботини тасдиқлаш; жамиятнинг фойдаси ва зарарларини тақсимлаш;

жамият кузатув кенгашининг ва тафтишчисининг уз ваколат доирасига қирадиган масалалар юзасидан, шу жумладан жамиятни бошқаришга дойр қонун ҳужжатларида белгиланган талабларга риоя этилиши юзасидан жамият кузатув кенгашининг ҳисоботларини ва тафтишчисининг ҳулосаларини эшитиш;

имтиёзли ҳуқуқни қўлламаслик тўғрисида қарорни қабул қилиш;

акциядорлар умумий йиғилишининг регламентини тасдиқлаш;

акцияларни майдалаш ва йириклаштириш;

ҳуқуқларини ҳимоя қилиш қонунчилиқда назарда тутилган ҳолларда жамият томонидан битимлар тузиш тўғрисида қарор қабул қилиш;

қонун ҳужжатларига мувофиқ бошқа масалаларни ҳал этиш.

Акциядорлар умумий йиғилишининг ваколат доирасига киритилган масалалар жамиятнинг ижроия органи ҳал қилиши учун бсрилиши мумкин эмас.

Акциядорлар умумий йиғилишининг ваколат доирасига киритилган масалалар жамиятнинг кузатув кенгаши хал қилиши учун берилиши мумкин эмас.

8.6. Жамият овоз берувчи акцияларининг ҳаммаси булиб камида бир фоизига эгалик қилувчи акциядорлар (акциядор) жамиятнинг молия йили тугаганидан кейин ўттиз кундан кечиктирмай, акциядорларнинг йиллик умумий йиғилиши кун тартибига масалалар киритишга ҳамда жамият кузатув кенгаши ва тафтишчилигига бу органнинг миқдор таркибидан ошмайдиган тарзда номзодлар кўрсатишга ҳақли. Акциядорлар умумий йиғилишининг кун тартибига масала уни қуйиш сабаблари, масалани киритаётган акциядорларнинг (акциядорнинг) исми-шарифи (номи), уларга тегишли акцияларнинг сони ва тури кўрсатилган ҳолда ёзма шаклда киритилади.

8.7. Акциядорларнинг умумий йиғилишини ўтказишга тайёргарлик қилинганда жамиятнинг кузатув кенгаши қонунчиликка асосан умумий йиғилишни чакирувчи шахслар қуйидагиларни белгилайди:

умумий йиғилиш ўтказиладиган сана, вақт ва жойни; умумий йиғилишнинг кун тартибини;

умумий йиғилиш ўтказиш учун жамият акциядорларининг реестри шакллантириладиган санани;

умумий йиғилиш ўтказилиши ҳақида акциядорларга ва давлат вакилига хабар қилиш тартибини;

умумий йиғилишни ўтказишга тайёргарлик қилинганда акциядорларга ва давлат вакилига тақдим этиладиган ахборот (материаллар) рўйхатини;

овоз бериш бюллетенининг шакли ва матнини.

Аник масала қуйилишини акс эттирмайдиган таърифларнинг (шу жумладан, «турли масалалар», «бошқа масалалар», «ўзга масалалар» ва шу сингари таърифларнинг) акциядорларнинг умумий йиғилиши кун тартибига киритилишига йўл қўйилмайди.

8.8. Овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан санок комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдикланади. Санок комиссияси таркибига жамият кузатув кенгашининг аъзолари, тафтишчиси, жамият раиси, шунингдек ана шу лавозимларга номзоди курсатилган шахслар кириши мумкин эмас. Санок комиссияси акциядорларнинг умумий йиғилишида кворум бор ёки йуқлигини аниқлайди, умумий йиғилишда овоз бериш ҳуқуқларининг акциядорлар (уларнинг вақиллари) томонидан амалга оширилиши муносабати билан юзага келадиган масалаларни тушунтиради, овозга қуйиладиган масалалар бўйича овоз бериш тартибини тушунтиради, овоз беришнинг белгиланган тартиби ва акциядорларнинг овоз беришда иштирок этиш ҳуқуқларини таъминлайди, овозларни санаб чиқади ва овоз бериш яқунларини чиқаради, овоз бериш яқунлари тўғрисида баённома тузади.

8.9. Акциядорларнинг умумий йиғилишида кун тартиби масалалари бўйича овоз бериш овоз бериш бюллетенлари орқали амалга оширилади. Акциядорларнинг умумий йиғилишида овоз бериш «жамиятнинг овоз берувчи битта акцияси — битта овоз» принципи бўйича амалга оширилади, жамиятнинг кузатув кенгаши аъзоларини сайлаш бўйича кумулятив овоз беришни ўтказиш ҳоллари бундан мустасно. Овоз бериш бюллетенларининг шакли ва матни жамиятнинг кузатув кенгаши томонидан тасдикланади, акциядорларнинг навбатдан ташқари умумий йиғилиши жамият кузатув кенгаши томонидан чакирилмаган ҳоллар бундан мустасно. Овоз бериш бюллетени умумий йиғилишда иштирок этиш учун рўйхатдан утган акциядорга (унинг вакилига) берилади.

8.10. Овоз бериш яқунлари бўйича санок комиссияси овоз бериш яқунлари тўғрисида баённома тузади, баённома жумладан акциядорлар умумий йиғилишининг кворуми мавжудлиги тўғрисидаги маълумотларни ҳам уз ичига олади ва санок комиссиясининг аъзолари томонидан имзоланади. Овоз бериш яқунлари акциядорларнинг овоз бериш ўтказилган умумий йиғилишида уқиб эшиттирилади, шунингдек акциядорларнинг умумий йиғилиши ёпилганидан кейин овоз бериш яқунлари тўғрисидаги ҳисоботни эълон қилиш

оркали акциядорлар эътиборига етказилади. Овоз бериш якунлари тўғрисида баённома тузилганидан ва акциядорлар умумий йиғилишининг баённомаси имзоланганидан кейин овоз бериш бюллетенлари санок комиссияси томонидан муҳрланади ҳамда саклаб қуйиш учун жамиятнинг архивига топширилади. Овоз бериш якунлари тўғрисидаги баённома акциядорлар умумий йиғилишининг баённомасига қўшиб қўйилиши лозим.

8.11. Акциядорлар умумий йиғилишининг баённомаси акциядорларнинг умумий йиғилиши ёпилганидан кейин ун кундан кечиктирмай умумий йиғилиш котиби икки нусхада тузади. Хар иккала нусха ҳам умумий йиғилишда раислик килувчи ва умумий йиғилиш котиби томонидан имзоланади.

Акциядорлар умумий йиғилишининг баённомасида:

акциядорларнинг умумий йиғилиши утказилган сана, вақт ва жой;

жамиятнинг овоз берувчи акцияларига эгалик килувчи акциядорлар эга бўлган овозларнинг умумий сони;

умумий йиғилишда иштирок этган акциядорлар эга бўлган овозларнинг сони;

умумий йиғилишнинг раиси ва котиби, йиғилиш кун тартиби курсатилади.

Акциядорлар умумий йиғилишининг баённомасида маърузаларнинг асосий коидалари, овозга қуйилган масалалар ҳамда улар юзасидан утказилган овоз бериш якунлари, йиғилиш қабул қилган қарорлар курсатилиши лозим.

VIII. Жамиятнинг кузатув кенгаши

9.1. Жамиятнинг кузатув кенгаши жамият фаолиятига умумий раҳбарликни амалга оширади, ушбу Қонун ва жамият устави билан акциядорлар умумий йиғилишининг ваколат доирасига киритилган масалаларни ҳал этиш бундан мустасно.

9.2. Акциядорлар умумий йиғилишининг қарорига кура жамият кузатув кенгашининг аъзоларига улар уз вазифаларини бажариб турган давр учун ҳақ туланиши ва кузатув кенгашининг аъзоси вазифаларини бажариш билан боғлиқ харажатлари копланди. Бундай ҳақ ва тўловларнинг миқдорлари акциядорларнинг умумий йиғилиши қарори билан «Кузатув кенгаши тўғрисида»ги низомда белгилаб қўйилади.

9.3. Жамият кузатув кенгашининг ваколат доирасига қуйидагилар қиради:

жамият фаолиятининг устувор йўналишларини белгилаш;

акциядорларнинг йиллик ва навбатдан ташқари умумий йиғилишларини чақириш,

акциядорлар умумий йиғилишининг кун тартибини тайёрлаш;

акциядорларнинг умумий йиғилиши утказиладиган сана, вақт ва жойни белгилаш;

акциядорларнинг умумий йиғилиши ўтказилиши ҳақида хабар қилиш учун жамият акциядорларининг реестрини шакллантириш санасини белгилаш;

“Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Ўзбекистон Республикаси Қонуннинг 59-моддаси биринчи қисмининг иккинчи хатбошисидан назарда тутилган масалаларни акциядорларнинг умумий йиғилиши ҳал қилиши учун киритиш;

мол-мулкнинг бозор қийматини белгилашни ташкил этиш;

корпоратив маслаҳатчини тайинлаш ва унинг фаолияти тартибини белгиловчи низомни тасдиқлаш,

ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисоботларини эшитиб бориш;

жамият ижроия органининг фаолиятига дахлдор ҳар қандай ҳужжатлардан эркин фойдаланиш ва жамият кузатув кенгаши зиммасига юклатилган вазифаларни бажариш учун бу ҳужжатларни ижроия органидан олиш. Жамият кузатув кенгаши ва унинг аъзолари олинган ҳужжатлардан факат хизмат мақсадларида фойдаланиши мумкин;

аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;

жамиятнинг тафтиш комиссияси аъзоларига (тафтишчисига) тўланадиган ҳақ ва компенсацияларнинг миқдорлари юзасидан тавсиялар бериш;

дивиденд миқдори, уни тўлаш шакли ва тартиби юзасидан тавсиялар бериш;

жамиятнинг захира фондидан ва бошқа фондларидан фойдаланиш;
жамиятнинг филиалларини ташкил этиш ва ваколатхоналарини очиш;
жамиятнинг шуъба ва тобе хужалик жамиятларини ташкил этиш;

“Акциядорлик жамиятлари ва акциядорларнинг ҳуқуқларини химоя қилиш тўғрисида”ги Ўзбекистон Республикаси Қонунининг назарда тутилган ҳолларда битимлар тузиш ҳақида қарор қабул қилиш;

жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;

жамиятнинг корпоратив облигацияларини қайтариб сотиб олиш тўғрисида қарор қабул қилиш;

жамиятнинг устав фондини (устав капиталини) кўпайтириш масалаларини, шунингдек жамият уставига жамиятнинг устав фондини (устав капиталини) кўпайтириш билан боғлиқ ўзгартиш ва қўшимчалар киритиш тўғрисидаги масалаларни ҳал қилиш;

эмиссион қимматли қоғозлар чиқариш қарори ва эмиссия рисоласини тасдиқлаш;

аввал давлат руйхатига олинган қимматли қоғозлар чиқариш қарори ва эмиссия рисоласига ўзгартиришлар киритиш;

жамият томонидан корпоратив облигациялар, шу жумладан акцияларга айрбошланадиган облигациялар чиқариш тўғрисида қарор қабул қилиш;

қимматли қоғозларнинг ҳосилаларини чиқариш тўғрисида қарор қабул қилиш;

жамиятнинг корпоратив облигацияларини қайтариб сотиб олиш тўғрисида қарор қабул қилиш;

жамиятнинг ижроия органини раисини сайлаш (тайинлаш), унинг ваколатларини муддатидан илгари тугатиш;

ижроия органига туланадиган ҳақ ва компенсацияларнинг миқдорларини белгилаш;

жамиятнинг йиллик бизнес-режасини тасдиқлаш.

Жамият кузатув кенгашининг ваколат доирасига Ўзбекистон Республикасининг “Акциядорлик жамиятлари ва акциядорларнинг ҳуқуқларини химоя қилиш тўғрисида”ги Қонуни ва жамият “Кузатув кенгаши” тўғрисидаги низомга мувофиқ бошқа масалаларни ҳал этиш ҳам киритилиши мумкин.

Жамият кузатув кенгашининг ваколат доирасига киритилган масалалар ҳал қилиш учун жамиятнинг ижроия органига утказилиши мумкин эмас.

9.4. Жамият кузатув кенгашининг аъзолари акциядорларнинг умумий йиғилиши томонидан бир йил муддатга сайланади. Жамият кузатув кенгашининг миқдор таркиби 9 (тўққиз) кишидан иборат. Жамиятнинг кузатув кенгаши аъзолари сайлови кумулятив овоз бериш орқали амалга оширилади.

9.5. Жамият кузатув кенгашининг раиси ва котиби, кузатув кенгаши аъзоларининг умумий сонига нисбатан купчилик овоз билан, ушбу кенгаш таркибидан кузатув кенгаши аъзолари томонидан сайланади. Жамиятнинг кузатув кенгаши, ўз раисини ва котибини кузатув кенгаши аъзоларининг умумий сонига нисбатан купчилик овоз билан қайта сайлашга ҳақли.

9.6. Жамият кузатув кенгашининг раиси унинг ишини ташкил этади, кузатув кенгаши мажлисларини чақиради ва уларда раислик қилади, мажлисларда баённома юритилишини ташкил этади, агар жамият уставида ўзгача қоида назарда тутилмаган бўлса, акциядорларнинг умумий йиғилишида раислик қилади. Жамият кузатув кенгашининг раиси бўлмаган тақдирда унинг вазифасини кузатув кенгашининг аъзоларидан бири амалга оширади.

9.7. Жамият кузатув кенгашининг мажлисини чақириш ва ўтказиш тартиби:

- жамият кузатув кенгашининг мажлиси кузатув кенгашининг раиси томонидан унинг ўз ташаббусига кўра, жамият кузатув кенгаши, тафтишчисининг, раисининг жамият овоз берувчи акцияларининг ҳаммаси бўлиб камида 5 % эгаллик қилувчи акциядорлар (акциядор) талабига кўра чақирилади.

- жамият кузатув кенгашининг мажлиси вазиятга қараб, лекин ҳар чоракда камида бир марта чақирилади. Кузатув кенгашининг мажлисида кузатув кенгаши аъзолари, кузатув кенгаши томонидан таклиф қилинганлар: тафтишчиси, жамият бошқаруви раиси, жамият овоз берувчи акцияларининг камида 5%га эга бўлган акциядор (акциядорлар) ва бошқа шахслар қатнашиши мумкин.

- кузатув кенгаши мажлисида жамият фаолиятига умумий раҳбарликка тегишли масалалар ва Ўзбекистон Республикасининг “Акциядорлик жамиятлари ва акциядорлар ҳуқуқларини ҳимоя қилиш тўғрисида”ги Қонуни ва мазкур уставга асосан кузатув кенгаши ваколатларига қирадиган масалалар ҳал қилинади. Жамиятнинг ижроия органи кузатув кенгаши мажлисини ўтказишга тайёргарлик кўриш жараёнида барча ҳужжатларни (маълумотларни) тайёрлайди ва тақдим этади.

- Жамият кузатув кенгаши ҳар чоракда тинглайди:

1) яқка тартибдаги ижроия органининг жамият молиявий-ҳужалик фаолияти ва бизнес-режасини бажарилиш тўғрисидаги ҳисоботини;

2) жамиятда аффилиланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва жамият ички ҳужжатларининг бундай битимларни тузишга доир талабларига риоя қилиниши тўғрисидаги тафтишчи ҳулосасини;

3) жамият ички аудит хизматининг бухгалтерия ҳисоби ва молиявий ҳисоботларда акс эттирилган маълумотларнинг тўғри юритилиши, ижроия органи томонидан қонунчиликка, таъсис ва бошқа ҳужжатларга риоя этилаётганлиги, ҳужалик фаолиятини юритишда урнатилган тамоил, қоидаларининг тулиқлигини таъминланганлиги, активларнинг сакданганлиги, ҳамда жамиятнинг бошқаришда қонунчиликда урнатилган талабларга риоя этилиши тўғрисидаги ҳисоботларни тинглайди ҳамда тақдим қилинган ҳисоботларга асосан ҳисобот давридаги ижроия органининг фаолиятини баҳолайди ва тегишли қарорлар қабул қилади.

- Жамият кузатув кенгашининг мажлисини ўтказиш учун қворум жамият кузатув кенгашига сайланган аъзоларнинг етмиш беш фоизидан кам бўлмаслиги керак. Жамият кузатув кенгаши аъзоларининг сони жамият уставида назарда тутилган миқдорнинг етмиш беш фоизидан кам бўлган тақдирда, жамият кузатув кенгашининг янги таркибини сайлаш учун акциядорларнинг навбатдан ташқари умумий йиғилишини чақириши шарт: Кузатув кенгашининг қолган аъзолари акциядорларнинг бундай навбатдан ташқари умумий йиғилишини чақириш тўғрисида қарор қабул қилишга, шунингдек жамият ижроия органи раҳбарининг ваколатлари муддатидан илгари тугатилган тақдирда, унинг вазифасини вақтинча бажарувчини тайинлашга ҳақлидир.

- Жамият кузатув кенгашининг мажлисида қабул қилинадиган қарорлар, мажлисда ҳозир бўлганларнинг оддий купчилик овози билан қабул қилинади. Жамият кузатув кенгашининг мажлисида масалалар ҳал этилаётганда кузатув кенгашининг ҳар бир аъзоси битта овозга эга бўлади. Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни 18-моддасининг иккинчи ва тўртинчи қисмларида, 30, 84, 88-моддаларида қўрилган масалалар бўйича қарор жамият кузатув кенгаши томонидан бир овоздан қабул қилинади. Жамият кузатув кенгашининг бир аъзоси ўз овозини кузатув кенгашининг бошқа аъзосига беришига йул қўйилмайди. Жамият уставида жамият кузатув кенгаши аъзоларининг овозлари тенг бўлган тақдирда кузатув кенгаши томонидан қарор қабул қилишда жамият кузатув кенгаши раисининг ҳал қилувчи овоз ҳуқуқи назарда тутилади.

9.8. Жамият кузатув кенгашининг мажлисида баённома юритилади. Кузатув кенгаши мажлисининг баённомаси мажлис ўтказилганидан сўнг ўн кундан кечиктирмай кузатув кенгашининг қотиби тузади. Мажлис баённомасида қуйидагилар қўрилади:

мажлис ўтказилган сана, вақт ва жой; мажлисда ҳозир бўлган шахслар;

мажлиснинг қон тартиби;

овоз беришга қўйилган масалалар, улар юзасидан ўтказилган овоз бериш қарорлари; қабул қилинган қарорлар.

Жамият кузатув кенгаши мажлисининг баённомаси мажлисда иштирок этаётган жамият кузатув кенгаши аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади. Жамият кузатув кенгашининг қарорлари сиртдан овоз бериш йули билан (суров йули билан) жамият кузатув кенгашининг барча аъзолари томонидан бир овоздан қабул қилиниши мумкин. Жамият кузатув кенгаши мажлисининг баённомаси имзоланган қон жамиятнинг ижроия органига ижро этиш учун топширилади.

Кузатув кенгаши акциядорларнинг умумий йиғилишини чақириш тўғрисида қарор қабул қилган тақдирда мазкур қарор ҳақидаги ахборот жамиятнинг ижроия органига кузатув кенгашининг мажлиси утказиладиган куни топширилади.

IX. Жамиятнинг ижроия органи - бошқарув раиси

10.1. Жамиятнинг кундалик фаолиятига раҳбарлик қилиш ваколати жамиятнинг уставда белгиланадиган раис томонидан амалга оширилади. Жамият ижроия органи акциядорлар умумий йиғилиши ва кузатув кенгашининг қарорлари бажарилишини ташкил этади, ўз фаолиятида Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунига, мазкур уставга ҳамда жамиятнинг “Жамият ижроия органи тўғрисида”ги низомига таянган ҳолда фаолият юритади.

10.2. Жамият ижроия органининг ваколатига жамиятнинг кундалик фаолиятига раҳбарлик қилишга доир барча масалалар киради, акциядорлар умумий йиғилишининг ёки жамият кузатув кенгашининг ваколат доирасига киритилган масалалар бундан мустасно. Жамиятнинг бошқарув раиси жамият номидан ишончномасиз иш юритади, шу жумладан унинг манфаатларини ифодалайди, жамият номидан битимлар тузади, жамиятнинг филиали ёки ваколатхонаси раҳбарини тайинлайди, штатларни тасдиқлайди, жамиятнинг барча ходимлари бажариши мажбурий бўлган буйруқлар чиқаради ва кўрсатмалар беради.

10.3. Жамиятнинг ижроия органларини тузиш ҳамда уларнинг ваколатларини муддатидан илгари тугатиш, кузатув кенгашининг ваколат доирасига киритилган.

10.4. Жамият раисининг ҳуқуқ ва мажбуриятлари тегишинча “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Ўзбекистон Республикаси Қонуни ва бошқа қонун ҳужжатларида, жамият уставда ҳамда унинг жамият билан бир йил муддатга тузадиган шартномада белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор қабул қилинади. Шартнома жамият номидан жамият кузатув кенгашининг раиси ёки кузатув кенгаши ваколат берган шахс томонидан имзоланади. Жамият раиси билан тузиладиган шартномада унинг жамият фаолияти самарадорлигини ошириш бўйича мажбуриятлари ҳамда жамиятнинг йиллик бизнес-режасини бажариш қандай бораётганлиги юзасидан акциядорларнинг умумий йиғилиши ва жамият кузатув кенгаши олдида берадиган ҳисоботларининг даврийлиги назарда тутилиши керак.

10.5. Мазкур уставга асосан бошқарув раиси:

- акциядорлик жамият номидан ишончномасиз фаолият юритиш, бошқа ташкилот ва органлар билан алоқада унинг манфаатларини ифодалайди;
- ўз ваколати чегарасида мол-мулк, пул маблағларини тасарруф этиш;
- битимлар ва шартномалар, шу билан бирга меҳнат шартномаларини тузиш, бекор қилиш;
- ишончномалар бериш;
- банкларда ҳисоб ва бошқа ракамлар очиш;
- ўзига буйсинувчи барча ходимларга мажбурий бўлган фармон ва кўрсатмалар қабул қилиш;
- ходимлар штатини тасдиқлаш, уни тўлдириш;
- жамиятининг бошқарув ва ишлаб чиқариш ходимлар сонини, жамият ходимларининг иш ҳақи фондини, иш ҳақи миқдорини аниқлаш;
- кузатув кенгашига филиал бошқарувчиси, корпоратив маслаҳатчи, жамият ички аудитор хизмати аудиторлари лавозимига номзодларни, ҳамда ташқи аудиторлик ташкилотини кўриб чиқиш учун тақлифлар киритиш, улар билан меҳнат шартномаларини (битимларини) тузиш ва бекор қилиш;
- ички меъёрий, бошқа ҳужжатларни ўз ваколати доирасига кирувчи жамият ҳужжатларини тасдиқлаш;
- Ўзбекистон Республикаси қонунчилигига асосан бошқа ҳуқуқларга эга.

10.6. Мазкур уставга асосан бошқарув раиси қуйидаги мажбуриятларга эга:

- лавозим мажбуриятларини бажаришда Ўзбекистон Республикаси қонунчилигига, уставга, жамият ички меъёрларига ва локал хужжатларга, жамият билан тузилган меҳнат шартномасига таянган ҳолда фаолият олиб боради;

- жамият акциядорлар умумий йиғилиши ва кузатув кенгаши қарорларини бажаришни ташкиллаштириш;

- акциядорлар умумий йиғилишига белгиланган муддатларда жамият молиявий-хужалик фаолияти бўйича йиллик ҳисобот ва жорий йилда жамиятнинг йиллик бизнес-режасини бажариш бўйича ҳисоботларни тақдим этиш;

- жамият кузатув кенгашига жамият молиявий-хужалик фаолияти бўйича чорақли ҳисоботларни, жамиятнинг йиллик бизнес-режасини бажариш бўйича ҳисобот, ҳамда кузатув кенгаши ваколатига тегишли масалалар ҳолати бўйича ҳисобот бериш;

- жамият молиявий-хужалик фаолиятига тегишли хужжатларни жамият кузатув кенгаши, тафтишчи ва аудитори талабига биноан тақдим этиш;

- акциядорларнинг амалдаги қонунларда назарда тутилган маълумотларни олиш, акциядорлар умумий йиғилишида катнашиш, дивидендларни ҳисоблаш ва олиш ҳуқуқларига риоя этилишини таъминлаш;

- жамиятнинг жорий фаолиятига раҳбарлик қилиш, жамиятнинг барча булимлари, цехлари ва таркибий бўлинмаларининг иш самарадорлигини оширишни таъминлаш;

- жамият фаолиятида қонунчилик талабларига риоя қилишни таъминлаш;

- жамият ижроия органининг мажлисларини утказишни ташкиллаштириш ва уларга раислик қилиш;

- жамиятнинг келгуси мавсумда жамият ривожланишининг бизнес-режасини ишлаб чиқишга раҳбарлик қилиш, жамиятнинг тасдиқланган жорий бизнес-режасини бажаришни ташкиллаштириш ва назорат қилиш;

- жамият томонидан ишлаб чиқаришни ривожлантириш ва ижтимоий соҳани ривожлантиришга етарли даражада фойда олинишини таъминлаш;

- жамият томонидан шартнома юзасидан олинган мажбуриятларни бажарилишини таъминлаш;

- жамиятда бухгалтерия ҳисоби ва статистик ҳисоботларнинг аниқчилигини ва тегишли равишдаги ҳолатини ташкиллаштириш, тегишли органларга давлат статистик ҳисоботларни, ҳамда акциядорларга, кредиторларга ва бошқа маълумот олувчиларга жамият фаолияти тўғрисидаги ахборотларни уз вақтида топширишни таъминлаш;

- жамоа шартномасини тузишда иш берувчи булиб катнашиш, музокараларда ижроия орган аъзоларининг иштирок этишини таъминлаш;

- жамоа шартномаси мажбуриятлари ва жамиятнинг ички тартиб қоидаларига риоя қилинишни таъминлаш;

- жамиятда меҳнатни ҳимоя қилиш меъёрлари, техник хавфсизлик, меҳнат ва технологик интизомга риоя қилинишни таъминлаш;

- жамиятнинг технологик ускуналари ва бошқа активларидан тўғри фойдаланиш ва уларнинг бутлигини таъминлаш;

- жамиятни малакали кадрлар билан таъминлаш, жамият ходимларининг билимлари, малакалари, тажрибалари ва қобилиятларидан аъло даражада фойдаланиш бўйича чора - тадбирлар кўриш;

жамиятнинг тижорат сирларини ташкил этувчи ахборотларни сақлаш ва жамият ходимлари томонидан сақланишини таъминлаш;

- узоқ муддатли хизмат сафарлари ва таътил вақтларидан фойдаланишни кузатув кенгаши билан қилиш. Кузатув кенгашига ўзи йўқлигида унинг вазифасини бажарувчи ҳақида хабар бериш.

10.7. Жамиятнинг бошқарув раисига тўланадиган ҳақ миқдори, жамият фаолиятининг самарадорлигига тўғридан-тўғри боғлиқ бўлади ва шартномада белгиланган бўлиши керак. Жамиятнинг бошқарув раиси вазифаларини бошқа ташкилотларнинг бошқарув органларидаги лавозим билан биргаликда эгаллаб туришга факат жамият кузатув кенгашининг розилиги билан йўл қўйилади.

10.8. Акциядорларнинг умумий йиғилиши ёки жамият кузатув кенгаши жамият раиси билан тузилган шартномани шартнома шартларини бузган тақдирда тугатишга (бекор қилишга) ҳақли. Жамият кузатув кенгаши жамиятнинг бошқарув раиси билан тузилган шартномани, агар у жамият уставини қўпол тарзда бузса ёки унинг ҳаракатлари (ҳаракатсизлиги) туфайли жамиятга зарар етказилган бўлса, муддатидан илгари тугатиш (бекор қилиш) ҳуқуқига эга.

Х. Тафтишчи

11.1. Жамиятнинг молия-хужалик фаолиятини назорат қилиш учун жамият уставига мувофиқ акциядорларнинг умумий йиғилиши томонидан бир йил муддатга тафтишчи сайланади.

11.2. Жамият тафтишчисига қуйиладиган талаблар:

- аудиторлик сертификата;
- олий маълумот, бухгалтерия соҳасида иш стаж.

11.3. Айни бир шахс айни бир жамиятнинг тафтишчиликка кетма-кет уч мартадан ортиқ сайланиши мумкин эмас.

11.4. Жамият тафтишчиси бир вақтнинг ўзида жамият кузатув кенгашининг аъзоси бўлиши, шунингдек айни шу жамиятда меҳнат шартномаси (контракт) бўйича ишлаши мумкин эмас.

11.5. Жамият тафтишчисининг ваколат доираси ва фаолият кўрсатиш тартиби акциядорларнинг умумий йиғилиши томонидан тасдикланадиган низомда белгиланади.

11.6. Тафтишчи қуйидаги ҳуқуқларга эга:

- ўз хоҳишига кўра, акциядорлар умумий йиғилишининг қарорига кўра, кузатув кенгаши, ёки овоз берувчи акцияларнинг камида 5 % эга бўлган акциядор (акциядорлар) талабига кўра йил якунлари, ёки бошқа давр бўйича жамиятнинг молиявий-хужалик фаолияти бўйича текширув (тафтиш) ўтказиш;

- қуйидаги ҳолларда кузатув кенгаши, ижроия орган ваколатларини муддатидан олдин тугатиш бўйича навбатдан ташқари акциядорлар умумий йиғилишини чақиришни талаб қилиш:

а) Ўзбекистон Республикаси қонунчилигига, уставга ва акциядорлар умумий йиғилиши қарорига риоя этмаслик;

б) жамиятга зарар келтириш ва акциядорларнинг мулкӣ ҳуқуқига зиён келтириш, жумладан молиявий-хужалик фаолиятининг ёмонлашиши, фойданинг ва ишлаб чиқариш рентабеллигининг камайиши билан боғлиқ ҳолларда;

в) жамиятнинг иктисодий ночор (банкрот)лик юзага келиш аломатлари ва ҳавфи мавжуд бўлганда, давлат бюджетга, бюджетдан ташқари фондлар ва жамият ходимлари иш ҳақини тўлаш бўйича барқарор қарз мавжуд бўлган тақдирда.

- Ўзбекистон Республикаси қонунчилига асосан бошқа ҳолларда.

Мажбур:

- ўз мажбуриятларини бажаришда Ўзбекистон Республикаси қонунлари, жамият устави, ички меъёрий ҳужжатлари ва локал ҳужжатларига таянган ҳолда фаолият олиб бориши;

- текширилаётган давр учун жамият молиявий-хужалик фаолияти якунлари бўйича, ўзида қуйидагиларни мужассам этган ҳисоботларни бериш:

а) жамиятнинг ҳисоботларида ва бошқа молиявий ҳужжатларида курсатилган маълумотларнинг ишончлилигига доир баҳо;

б) бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хужалик фаолияти амалга оширилаётганда қонун ҳужжатлари бузилганлиги фактлари тўғрисидаги ахборот;

в) жамиятнинг айрим цех ва булимлари молиявий-хужалик фаолиятининг зарар келтираётганлиги, норентабеллиги тўғрисидаги маълумот;

г) ҳисобланаётган маҳсулот бўйича алоҳида қисмлар ва маъмурий харажатлар сметасидаги ортиқча харажатлар тўғрисидаги маълумотлар;

- акциядорлар умумий йиғилишига молиявий-хужалик фаолият юритилишининг тугрилиги ва бухгалтерия балансида, молиявий натижалар тўғрисидаги хисоботда келтирилган ахборотларнинг аниқлиги тўғрисидаги хисоботни тақдим қилиши;
- Ўзбекистон Республикаси қонунчилигига асосан бошқа мажбуриятлар.

XI. Жамиятнинг ички аудит хизмати

12.1. Активларининг баланс қиймати энг кам иш хаки миқдорининг юз минг баробаридан кўп бўлган жамиятда ички аудит хизмати ташкил этилади. Ички аудит хизмати жамиятнинг кузатув кенгашига хисобдор;

12.2. Жамиятнинг ички аудит хизмати жамиятнинг ижроия органи, филиаллари ва ваколатхоналари томонидан қонун ҳужжатларига, жамият уставига ва бошқа ҳужжатларга риоя этилишини, бухгалтерия хисобида ва молиявий хисоботларда маълумотларнинг тулик ҳамда ишончли тарзда акс эттирилиши таъминланишини, ҳужалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақданишини, шунингдек жамиятни бошқариш юзасидан қонун ҳужжатларида белгиланган талабларга риоя этилишини текшириш ҳамда мониторинг олиб бориш орқали жамиятнинг ижроия органи, филиаллари ва ваколатхоналари ишини назорат қилади ҳамда баҳолайди;

12.3. Жамиятнинг ички аудит хизмати ўз фаолиятини, агар қонунда узгача қоида назарда тутилмаган бўлса, Ўзбекистон Республикаси Вазирлар Маҳкамаси томонидан белгиланадиган тартибга мувофиқ амалга оширади.

XII. Аудиторлик ташкилоти

13.1. Аудиторлик ташкилоти жамият билан тузилган шартномага мувофиқ қонун ҳужжатларида белгиланган тартибда жамият молия-хужалик фаолиятининг текширилишини амалга оширади ва унга аудиторлик ҳулосасини тақдим этади;

13.2. Аудиторлик ташкилоти жамиятнинг молиявий хисоботи ва молияга дойр бошқа ахборот ҳақидаги нотугри ҳулосани уз ичига олган аудиторлик ҳулосаси тузилганлиги оқибатида етказилган зарар учун жамият олдида жавобгар бўлади.

XIII. Якуний қоидалар

14.1. Устав бўйича келиб чиқадиган барча низо ва келишмовчиликлар акциядорларнинг ўзаро келишуви йули билан амалдаги қонун ҳужжатлари ва ушбу уставга асосан ҳал қилинади.

14.2. Низо ва келишмовчиликларни музокаралар йули билан ҳал қилиш имконияти бўлмаган тақдирда улар тегишли равишда суд орқали ҳал қилинади.

14.3. Мазкур Устав Ўзбекистон Республикасининг қонун ҳужжатларида белгиланган тартибда давлат рўйхатига олинган вақтдан бошлаб қўйиб қиради.

14.4. Мазкур уставда кўрсатилмаган жамият фаолиятига тегишли бўлган масалалар Ўзбекистон Республикаси “Акциядорлик жамиятлари ва акциядорлар ҳуқуқларини ҳимоя қилиш тўғрисида”ги Қонуни ва бошқа норматив-ҳуқуқий ҳужжатларига мувофиқ ҳал қилинади.

“Бағдоддонмахсулотлари” АЖ

Бошқаруви раиси



У.Максудов